



Sarajevo, 21.12.2023.

**PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE**
n/r predsjedavajućeg

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	21-12-2023	16:25	
Organizaciona jedinica	Klasifikaciona oznaka	Redni broj	Broj priloga
01-	50-1-	2686/	23

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20 i 53/22) postavljam sljedeće

POSLANIČKO PITANJE

Koje je vaše mišljenje o uvođenju plaćanja administrativnih taksi putem web servisa/aplikacije na račun Ministarstva finansija i trezora Bosne i Hercegovine?

Образложење:

U Upravi za indirektno oporezivanje se tokom jedne godine obradi oko milion carinskih prijava, od čega je 99% prijava koje podliježu plaćanju administrativnih taksi.

Administrativne takse za carinske deklaracije uplaćuju se u bankama, uz plaćanje bankarske provizije. Uplata se može izvršiti i putem mobilnog bankarstva, ali je neizbježan fizički odlazak u banku da bi se nalog za plaćanje ovjerio pečatom nakon čega se pečatom ovjereni nalog dostavlja carinskom službeniku, na nekoj drugoj lokaciji. Potpuno je jasno da se radi i o dodatnom trošku izraženom i u novcu i u vremenu. Nadalje, carinski službenik, i pored dostavljenog ovjerenog naloga za plaćanje, ne može sa sigurnošću povezati taj nalog sa carinskom ispravom, što povećava mogućnost grešaka, te ostavlja i prostor za različite malverzacije.

Uplata administrativnih taksi, ali i ostalih dažbina, putem web servisa omogućila bi građanima Bosne i Hercegovine brojne prednosti među kojima su:

- dostupnost poslovanja 24 sata dnevno, 7 dana u sedmici, bez vremenskog ograničenja
- smanjenje ukupnih transakcijskih troškova
- bezbjedan i siguran način bezgotovinskog plaćanja
- brže administrativno poslovanje privrednika i institucija.

Korištenje savremenih tehnologija podrazumijeva znatnu uštedu vremena, veću efikasnost, transparentnost i odgovornost u radu. S tim u vezi, plaćanje putem web servisa/aplikacije omogućilo bi Ministarstvu i Upravi za indirektno oporezivanje:

- unaprjeđenje komunikacije i poslovnih procesa između obveznika indirektnih poreza i javne uprave, te
- efikasnije praćenje realizovanih transakcija na šta u svojim izvještajima ukazuje i Ured za reviziju, kao i
- jačanje finansijskog sektora Bosne i Hercegovine.

Pitanje postavljam direktoru Uprave za indirektno oporezivanje Bosne i Hercegovine.

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.


Poslanica SDP BiH
Lejhana Dervišević